



**AKCIJA BREND** Tužilaštvo BiH klan Lijanović sumnjiči za organizirani kriminal

# Mladen pušten, predložen pritvor za Jerka i ostale

Pritvor predložen i za Milorada Bahilja, Slavu i Jozu Ivankovića, Jozu Sliškovića, Mirjanu Šakotu i Mirka Galića • U širokobriješkom naselju Trn jučer bilo neobično mirno



Mladen Ivanković jučer u Mostaru: Branit će se sa slobode

(Foto: M. Smajkić)



U Jerkovoju kući, navodno, samo roditelji

Tužilaštvo BiH predložilo je Sudu Bosne i Hercegovine određivanje jednomjesečnog pritvora za sedam osoba uhapšenih u akciji Agencije za istrage i zaštitu (SIPA) kodnog naziva „Brend“.

## Trgovačke knjige


Mjere pritvora zatražene su za dopremijera FBiH Jerka Ivankovića Lijanovića, njegovu braću Slavu Ivankovića Lijanovića, Jozu Ivankovića Lijanovića, federalnog ministra Milorada Bahilja (NSRzB) te Jozu Sliškovića, Mirjanu Šakotu i Mirka Galića.

Za Željka Mikulića, Zdravka Ivankovića i Draženka Kvesića postupajući tužilac predložio je određivanje mjera zabrane. SIPA je nakon saslušanja pustila na slobodu Mladena Ivankovića Lijanovića, poslanika u Parlamentu BiH i predsjednika

NSRzB-a.

Akcija koja je provedena po nalogu Tužilaštva BiH predstavlja jednu od najvećih u postdejtonskoj BiH, a usmjerena je na borbu protiv organiziranog kriminala i poreznih utaja u iznosu većem od 11 miliona KM, saopćeno je jučer iz Tužilaštva BiH.

Postoji osnovana sumnja da su uhapšene osobe



Jerko Ivanković: Vođa organizirane grupe

## Jerko pjevao u Sudu BiH

Iz pouzdanih izvora u Tužilaštvu BiH saznajemo da je uhapšeni Jerko Ivanković Lijanović nakon saslušanja u ovoj instituciji i

počinile krivična djela organiziranog kriminala u vezi s krivičnim djelima neplačanja poreza, porezne utaja ili prevara i pranja novca te krivično djelo krivotvorenja ili uništenja poslovnih ili trgovačkih knjiga ili isprava.

- Ne znam zašto sam uhapšen. Jučer (srijeda, op. a.) rekli su mi da sam uhapšen, danas (četvrtak, op. a.) pustili su me - rekao je Mladen Ivanković nakon izlaska iz pritvora.

Iako se jedan od uhapšene braće Ivanković Lijanović. Mladen, jučer

provođenja do pritvorske jedinice Suda BiH sve vrijeme pjevao i zabavljao ostale osumnjičene u ovom predmetu.

našao na slobodi, u širokobriješkom naselju Trn, gdje se nalaze njihove kuće i sjedište firme „Lijanović“, bilo je neobično mirno i tiho. Tako su našu ekipu dočekala zaključana vrata kuće u kojoj živi Mladen Ivanković, a na naše kucanje niko nije odgovarao.

U susjednoj kući, onaj koja pripada federalnom dopremijeru Jerku Ivankoviću, u kojoj žive i njegovi roditelji Stipe i Blagica, dočekao nas je, kako se predstavio, radnik u vinariji „Stari Lijan“, koja je, pak, smještena u prizemnim prostorijama.

Nakon što smo se predstavili, on nam je kazao da u kući nema nikoga. Na naše pitanje gdje su ukućani, odgovorio je: „Odmaraju se negdje. Poslije bure došlo zatišje.“ Kako smo bili uporni u tome da nam nekoga pozove, ovaj radnik je dodao:

## Nema izjava

- Tu su samo dida i baba, koji su stari i bolesni. Ja vas ne smijem pustiti, ovdje radim, evo, pretačem grožđe. Vama novinarima samo je senzacija važna, ali, eto, radi te svoj posao, baš kao i ja svoj. Idite u firmu, neka vam tamo pomognu.“

Nije se želio predstaviti ni ti dopustiti da ga fotografiramo „da ne bi imao problema“.

U firmi „Lijanović“ kazali su da nam ne mogu pomoći, „jer niko od članova obitelji nije tu“ te da „nema izjava“.

M. Aš. - M. Sm.